

در سعادتده یاب عالی جوارزنده  
اداره مخصوصه

محل اداره :

# مُطَرِّطُ الْقَمَرِ

۱۳۲۶

اخطار :

مسئله کنزه موافق آمار جدیده مع المنونبه  
قبول اولنور  
درج ایدله بن آمار اعاده اولنور

دین، فلسفه، علوم، حقوق، ادبیاتدن و سیاسیاتدن وبالخاصه کربک سیاسی و کربک اجتماعی و مدنی احوال و شئون اسلامیه دن  
بحث ایدر وهفته ده بردفعه نشر اولنور.

در سعادتده نسخه سی ۵۰ پاره در

صاحب و مؤسسی :

ابوالعلا زین العابدین — ح. اشرف ادیب

تاریخ تاسیسی

آبونه بدلی

قیراهدن مقوا بورو ایله کوندر بلیرسه سنوی  
۲۰ غروش فضله آلنیر

۱۰ تموز ۳۲۴

غروش

التي آیلنی

سنه لکی

هر طرف ایچون

۴۰

۸۰

»

حبذا عقد سودد و فخار

انت فیہ الیتیمۃ المعصاء

نه کوزل اول قلاده سیادت و افتخارکه سن آنده نظیری نایاب بر در معصوم و محفوظ سین .

\*\*

بیان اعراب و لغات : [حبذا] صیغه مدح و مقدم خبردر . عینک کسر یله [عقد] گردانلق معناسنه در و مؤخر مبتدادر . سینک ضمیله [سودد] سیادت و فانک فتحیله [فخار] افتخار معنایینه در . [انت] مبتدا ، [الیتیمه] خبر ، [فیہ] مبتدادر حال [المعصاء] خبرک صفتی در . بوجه [عقدک] صفتی ویانندن حالدر . یتیم فردویکانه و نظیری نایاب اولان شیلره دینور . [عصماء] اعصمک مؤثی در و بوراده انکله مصون و محفوظ معناسی مراددر .

\*\*

و محیا کالشمس منک مضی

اسفرت عنه لیلۃ غراء

وسنک آفتاب کبی عالمی اضائه ایدن طلعتک دخی نه کوزلدرکه اندن لیلۃ غراء آیدینلادی . نور طلعتک ظهور ایتیکله اولیلۃ غراء اولیلۃ جلیل القدر مستغرق انوار معنوی اولدی .

\*\*

بیان اعراب و لغات : [محیا] وجه معناسنه در و [عقد سودد] اوزرینه معطوفدر . [کالشمس] لفظی [مضی] کلهسنه و [منک] ده حرف جر [محیا] یه متملقددر . [مضی] محیانک صفتی در . [اسفرت] افعال بابندن ماضی اولوب آیدینلادی دیمکدر ، [عنه] اکا متملقددر . [لیلۃ] فاعل و [غراء] انک صفتی و فعل مع فاعله [محیا] نک صفت بعد الصفتی در ، بیضاء معناسنه اولان [غراء] لفظی بوراده مجازاً جلیل القدر معناسنه حمل ایتک سیاق کلامه ملائم دوشر .

برکت زاده اسماعیل حتی

بقیه سی وار



هانوتو ایله شیخ محمد عبده

نک

مناقشه سی

فرانسه خارجییه ناظرلرندن هانوتونک ، وقتیله مسلمانلر حقنده یازهرق پارسده چیقان (لوژورنال) غزته سیله نشرایتدیکی ، بر مقاله سی (المؤید) طرفندن اوزمان عربجه به ترجمه ایدلمش .

مرحوم شیخ محمد عبده اقشام صباح قاهره دن واپورله عین شمسده کی اوینه کیدر کلیرکن غزته لری کوزدن کچیرمک اعتیادنده اولدیغندن هانوتونک مقاله سی او قومش ، متأثر اولمش . اوینه کلیرکلز ردیه سی یازمایه باشلایهرق برنجی مقاله سی اقشام یکنی متعاقب بیتیرمش ، ایرتسی کونی چیقان (المؤید) یتشدیرمش .

بز اولا هانوتونک مقاله سی اولدینی کبی یازه جغز . مرحومک

مقابله سنی سوکره یه براقه جغز . چونکه هانوتونک نه سویلمش اولدینی بیلمزسه طبیعی استادک سویلدیکی سوزلر هانکی اعتراضله جوابدر ، نه درجه یه قدر طوغریدر ، آکلاشیله ماز .

شونی ده سویله ملی یزکه اصلنی بولمق پک زور اوله جنی ایچون هانوتونک مقاله سنی عربجه سندن ترجمه ایدیورز .

محمد عاکف

\*\*

هانوتونک مقاله سی

بز بوکون اسلام و مسئله اسلامیه قارشیدسنده بولونیورز .

آسیا اولادی اولان مسلمانلر بیزانس مدنیتک بقایاسنی حامل بولندقلری حالده آفریقا قطعه سنک شمالنی یتیشیلمز بر سرعتله کچرک آروپایه دایاندیلر . لیکن بوراده بر مدنیت بولدیله که اصلی آسیایه منتهی ایدی ، دهاطوغروسی بیزانس مدنیتنه مناسبتی برابرلنده کوتور مکده اولدقلری بقایادن دها زیاده ایدی که اوما ، نیت ده مدنیت آریه نصرانیه ایدی . بونک ایچون مسلمانلر واصل اولدقلری نقطه ده طورمایه ، عصرلردن بری اقامت ایتدکلری آفریقایه دونمه یه مجبور اولدیله . بونکله برابر هلالک ایکی اوجی متصل ایلریله رک بر طرفدن استانبوله ، دیگر طرفدن مغرب اقصاده کی فاسه قدر دایانیوردی .

آفریقانک ملک اسلامه مقر اولان بو پارچه سنده فرانسه حکومتی قارشنی چیقدی . والده سی طرفندن اسپانییه نه نسبتی اولان سن لوئی [طقوزنجی لوئی] مصرده ، تونسده آتش قتالی اولدی . سوکرا اون دردنجی لوئی آفریقاده کی اهالی اسلامیه یی تهدید خصوصنده اوکا خلف اولدی . برنجی ناپولیونده عینی مسلکی تعقیب ایتدی . نهایت فرانسلر اون طقوزنجی عصرده آرزولرینه موفق اولدیله که جزائر یتیش ، تونس ده یکریمی سنه دن بری اللرنده بولونیور .

بوکون قوتلریمنزک طلیعه لری تا صحرای کبیرک قوم بیغینلرینه قدر واصل اولیور ، که بر طرفدن بزم بوایلروله مه مز ، دیگر طرفدن اونلرک غفتنی حقیقه مده شددر . چونکه اونلر یاواش یاواش چولک ایچنه چکیلدکجه ظن ایدیورلردی که غایت امین بر موقمه بولونیورلر . حالبوکه اوروپالیر کندیله رینی درت طرفدن احاطه ایتشلردی . سنه غال طرفندن کلن قبائل یرلیله اوروپالیرک اوحوالی نی ضبط ایدرک اورادن باقل ، باماقوا ، سیغو سیقورویه طوغرو ایلرولدکلرینی ، دیگر طرفلردن ده تانیبا غاریه ، شات کولنه قدر واردقلرینی ، حتی اومقدس تومبوقتو شهرینکده سنه لردن بری اللرینه کچدیکنی خبر ویریوردی . سوکرا آفریقای وسطایی بر باشند او بر باشه قدر طولاشان کندی آدملری ده بو خبرلری تأکید ایتدکن باشقه سانغا وئاغاوندره جهتلرینه ده تنظیم بلاد ایچون نهرلری کچن اوج رنگلی بایراق حامللرینک آیاق باصدیغنی واپورلرینک ده قونغو ، شاری نهرلرینی باردیغنی سویلیورلردی . بوسوزلری ایشیدن یرلیله اولرینک اشیکنده اوطوره رق « قدرمش ، نه یاپلم » دیمکدن باشقه برشی یاپمایورلردی . بوکون فرانسه هریرده